

Zbirka medijskih objava

Vlada Brčko Distrikta_kliping_dnevno,
za razdoblje 7. 7. 2020

Broj objava: 13

Televizija: 3

Štampa: 10

Teme praćenja:

Vlada Brčko Distrikta: 0

Gradonačelnik: 0

Skupština Brčko: 0

Brčko: 13

Brčko:

Televizija	Naslov	Koronavirus u BiH		
Serijski br. 1	Medij; Doseg	Nova BH; , Bosna i Hercegovina	18:30	Trajanje: 5 min
	Rubrika, Datum	Dnevnik NewsMax Adria; 6. 7. 2020		
	Autor	Poturić Nadja		
	Teme	Brčko		

Televizija	Naslov	U BiH zabilježeni novi merni slučajevi od COVID-19		
Serijski br. 2	Medij; Doseg	Radio televizija BN; , Bosna i Hercegovina	19:30	Trajanje: 5 min
	Rubrika, Datum	Dnevnik; 6. 7. 2020		
	Autor	Lukić Tatjana		
	Teme	Brčko		

Televizija	Naslov	Krivična odgovornost		
Serijski br. 3	Medij; Doseg	Radio televizija BN; , Bosna i Hercegovina	19:30	Trajanje: 2 min
	Rubrika, Datum	Dnevnik; 6. 7. 2020		
	Autor	Unknown		
	Teme	Brčko		

Štampa	Naslov	S biračkog spiska brisano 1.368 umrlih osoba		
Serijski br. 4	Medij; Doseg	Dnevni avaz; 50.000, Bosna i Hercegovina	Stranica: 1	Površina: 600 cm ²
	Rubrika, Datum	Teme; 7. 7. 2020		
	Autor	E.Halimić		
	Teme	Brčko		

Štampa	Naslov	Lov Srbije na branitelje BiH		
Serijski br. 5	Medij; Doseg	Dnevni avaz; 50.000, Bosna i Hercegovina	Stranica: 3	Površina: 164 cm ²
	Rubrika, Datum	Aktuelno; 7. 7. 2020		
	Autor	Hadžić Almasa		
	Teme	Brčko		

Štampa	Naslov	Na izborima glasala u tuđe ime		
Serijski br. 6	Medij; Doseg	Euro Blic; , Bosna i Hercegovina	Stranica: 10	Površina: 92 cm ²
	Rubrika, Datum	Hronika; 7. 7. 2020		
	Autor	Unknown		
	Teme	Brčko		

Štampa	Naslov	Optužena za prevaru pri glasanju		
Serijski br. 7	Medij; Doseg	Nezavisne novine; , Bosna i Hercegovina	Stranica: 5	Površina: 15 cm ²
	Rubrika, Datum	Događaji; 7. 7. 2020		
	Autor	B. C.		
	Teme	Brčko		

Štampa	Naslov	Promovisati distrikt kao vrijedan potencijal		
Serijski br. 8	Medij; Doseg	Nezavisne novine; , Bosna i Hercegovina	Stranica: 13	Površina: 40 cm ²
	Rubrika, Datum	Ekonomija; 7. 7. 2020		
	Autor	Rtr		
	Teme	Brčko		

Štampa	Naslov	Opet šamar iz Beograda		
Serijski br. 9	Medij; Doseg	Oslobođenje; , Bosna i Hercegovina	Stranica: 1	Površina: 556 cm ²
	Rubrika, Datum	Događaji; 7. 7. 2020		
	Autor	Aleksić Jelena		
	Teme	Brčko		

Štampa	Naslov	Prevara pri glasanju		
Serijski br. 10	Medij; Doseg	Oslobođenje; , Bosna i Hercegovina	Stranica: 7	Površina: 52 cm ²
	Rubrika, Datum	Događaji; 7. 7. 2020		
	Autor	Unknown		
	Teme	Brčko		

Štampa	Naslov	Optužen carinik Kikić		
Serijski br. 11	Medij; Doseg	Oslobođenje; , Bosna i Hercegovina	Stranica: 7	Površina: 52 cm ²
	Rubrika, Datum	Događaji; 7. 7. 2020		
	Autor	Unknown		
	Teme	Brčko		

Štampa	Naslov	Socijalni konsenzus o članstvu EU		
Serijski br. 12	Medij; Doseg	Oslobođenje; , Bosna i Hercegovina	Stranica: 27	Površina: 400 cm ²
	Rubrika, Datum	Ostalo; 7. 7. 2020		
	Autor	Unknown		
	Teme	Brčko		

Štampa	Naslov	BiH obiluje proizvodima za osvajanje tržišta Europske unije		
Serijski br. 13	Medij; Doseg	Večernji list; , Bosna i Hercegovina	Stranica: 20	Površina: 398 cm ²
	Rubrika, Datum	Aktualno; 7. 7. 2020		
	Autor	Pušić Dario		
	Teme	Brčko		


Koronavirus u BiH



U BiH zabilježeni novi merni slučajevi od COVID-19



Krivična odgovornost





Izborne prevare

**Šef Odjela za javni
registar Distrikta
Brčko Zlatko
Jašarević**

**S biračkog spiska
brisano 1.368
umrlih osoba**

8. strana



IZBORI Šef Odjela za javni registar Distrikta **Brčko** Zlatko Jašarević

S biračkog spiska obrisano je 1.368 umrlih osoba


Od 1. oktobra 2018. do kraja maja ove godine u Matičnu knjigu umrlih upisano blizu 1.850 osoba, od toga samo njih pet nije do sada izbrisano, pojasnio Jašarević

S biračkog spiska Distrikta **Brčko** skinuto je 1.368 umrlih osoba. Kazao je to za „Dnevni avaz“ šef Odjela za javni registar Distrikta **Brčko** Zlatko Jašarević.

Prema njegovim riječima, Odjel za javni registar uvidio je da postoji određeni broj osoba koje su umrle u ranijem periodu, a nisu izbrisane iz Centralnog biračkog spiska.

Kvalitetno rješenje

- Odjel je formirao radnu grupu koja se bavila isključivo pitanjem neizbrisanosti umrlih osoba. Pododjel za matičnu evidenciju



Birački spiskovi u Brčkom revidirat će se svaki mjesec

ju, Pododjel za lične dokumente, zajedno s Centrom za birački spisak, identificirao je umrle osobe na području Distrikta **Brčko** BiH koje su bile upisane u Matičnu knjigu umrlih u Brčkom i koje su se još nalazile na biračkom spisku za period 2003.-2018. - pojasnio je.

Dodao je da je pregledan spisak od 16.234 upi-

Očistiti biračke spiskove u cijeloj BiH

- Obratio sam se i Centralnoj izbornoj komisiji BiH. Poručio sam da oni trebaju promovirati isti ovakav postu-

pak. To nije lagan posao, ali je neophodan da bi se očistili birački spiskovi u svim općinama u BiH - kazao je Jašarević.

sane osobe u Matičnu knjigu umrlih (MKU) **Brčkog** i drugih MKU na području Distrikta **Brčko**. Sve umrle osobe su izbrisane, osim dvije, jer su razlikuju podaci iz Matične knjige umrlih od podataka upisanih u bazu IDDEEA-e.

- Uporedo s aktivnostima koje su se odnosile na raniji period, dogovoreno je da se na mjesečnom nivou Centru za birački spisak (CBS) dostavljaju izvještaji o umrlima za prethodni mjesec iz svih matičnih ureda na području Distrikta **Brčko** BiH da bi se redovno pratilo brisanje umrlih iz Centralnog biračkog spiska - naglasio je Jašarević.

Usklađivanje podataka

Pojasnio je da se od 1. oktobra 2018. brisanje umrlih birača na CBS-u

prati na mjesečnom nivou.

- Od 1. oktobra 2018. do 31. maja ove godine na području Distrikta **Brčko** BiH u Matičnu knjigu umrlih je upisano blizu 1.850 osoba, od toga samo njih pet nije do sada izbrisano. Kod tih osoba trenutno se radi na usklađivanju podataka u bazama matične evidencije i IDDEEA-e i, nakon završenog usklađivanja, ukoliko se sa stopostotnom sigurnošću utvrdi da se radi o istim osobama, i one će biti obrisane - istakao je Jašarević.

Ono što je još potrebno istaći, kaže Jašarević, jeste i provjera fiktivnih prebivališta.

- Trenutno Odjel za javni registar prilikom zamjene lične karte vrši provjeru prebivališta na način propisan u zakonu - pojasnio je Jašarević.

E. HALIMIĆ

Jašarević: Urađen je vrlo zahtjevan posao



Komentar dana

Piše: **Almasa HADŽIĆ**
(almasahadzic@hotmail.com)



Lov Srbije na branitelje BiH

Slučaj "Mujanović" ostavljen je na milost i nemilost beogradskim tužiocima

Viši sud u Beogradu jučer je Huseina Mujanovića, bivšeg pripadnika Armije RBiH, osudio na desetogodišnju kaznu zatvora, zbog, navodno, počinjenih ratnih zločina nad srpskim civilima u toku protekle agresije na BiH.

Skoro je dvije godine kako je na graničnom prijelazu Uvac srbijanska policija uhapsila Mujanovića pod optužbom da je, navodno, zlostavljao zarobljenike u zatvoru Hrasnica, ali do danas, osim rodbine i pokojeg saborca, o njegovom boravku u beogradskom zatvoru u državi BiH nikoga nije bilo briga.

Jednostavno, slučaj "Mujanović" ostavljen je na milost i nemilost beogradskim tužiocima koji su argumente za njegovu krivnju crpili iz izjava nekredibilnih svjedoka koji su po nekoliko puta mijenjali svoje iskaze, kao i iz laži Dokumentacionog centra za istraživanje ratnih zločina RS.

Znalo se da će Sud u Beogradu osuditi Mujanovića bez obzira na to što je čak i glavni svjedok u procesu javno izjavio da ga ovaj nije tukao i zlostavljao u zatvoru u

kome je bio. Ali... Mujanović nije ni prvi, a ni posljednji Bošnjak koji se našao na listi Dokumentacionog centra RS, a koje hapsi i sudi država Srbija, bez obzira na to što navodna djela za koja se terete nisu činjena na njenom teritoriju.

Takvo ponašanje srbijanskog pravosuđa omogućeno je stavljanjem potpisa na takozvani Protokol o saradnji Tužilaštava BiH i Srbije, koji su, svojevremeno, tadašnji glavni tužioci dvije države proslavili dernekom na Skadarliji. Rezultat tog derneka vrlo brzo je zaživio u praksi.

Naime, krenuo je lov Srbije na svakog pripadnika Armije RBiH na kojeg „namigne“ Dokumentacioni centar iz RS, dok je kao znak „dobre saradnje“ bh. pravosuđe pustilo osuđenog ratnog zločinca Novaka Đukića da pobjegne u Srbiju! Gore ne može.

Husein Mujanović u pritvoru u Beogradu će čekati drugostepenu presudu. U tom istom pritvoru je i Osman Osmanović iz Brčkog. Ilija Jurišić je godinama truhnuo u srbijanskom zatvoru! Dokle više?!



Na izborima glasala u tuđe ime



Tužilaštvo BiH podiglo je optužnicu protiv Biljane Petrović (49) iz **Brčkog** koja se tereti da je za vreme održavanja opštih izbora, 2018. godine, kao predsednica biračkog odbora glasala umesto drugih osoba, pod njihovim imenima.

- Optužena se tereti da je za vreme održavanja Opštih izbora u BiH 7. oktobra 2018. godine, kao predsednica biračkog odbora na biračkom mestu Popovo Polje - Distrikt **Brčko**, glasala umesto drugih osoba pod njihovim imenima - navedeno je u optužnici.

Dalje se navodi da je ona protiv volje i znanja najmanje šest osoba, koje nisu iskoristile biračko pravo na navedenim izborima, falsifikovala njihove potpise na biračkom spisku, pod rednim brojevima gde su zavedene navedene osobe, potpisala se umesto njih njihovim imenima i glasala umesto njih.

Dodaje se da je Petrovićeva time počinila krivično delo prevare pri glasanju, te da je optužnica prosledena Sudu BiH na potvrđivanje.



TUŽILAŠTVO BiH

Optužena za prevaru pri glasanju

SARAJEVO - Tužilaštvo BiH podiglo je optužnicu protiv Biljane Petrović (49) iz Brčkog, koju terete da je za vrijeme održavanja opštih izbora 2018. godine, u svojstvu predsjednika biračkog odbora na biračkom mjestu Popovo Polje - Brčko, glasala umjesto drugih osoba pod njihovim imenima. U optužnici se navodi da je optužena, krivotvorila potpise na biračkom spisku.

B.C.



BRČKO Promovisati distrikt kao vrijedan potencijal

BRČKO - Na Ekonomskom fakultetu u Brčkom predstavljen je projekat "Studija turističke signalizacije distrikta Brčko".

Cilj studije je mapiranje i promocija turističkih i kulturno-istorijskih objekata. Osnovni cilj projekta je promocija Brčko distri-



kta kao turističkog potencijala u BiH i šire, rekao je dekan Ekonomskog fakulteta Lazar Radonović. Potencijalna lista ima 140 istorijskih, kulturnih, nacionalnih ili turističkih lokaliteta koji predstavljaju potencijal Brčkog. Prva faza studije podrazumijeva mapi-

ranje 33 objekta.

Prvo će biti mapirane turističke atrakcije i sve ono što predstavlja turističke potencijale u Brčkom, koristeći GPS uređaje i odgovarajuće savremene aplikacije, a nakon toga slijedi izrada turističke signalizacije, kao osnove za buduće fizičko označavanje objekata - naglasio je Stevan Stević, profesor na ovom fakultetu.

Projekat "Studija turističke signalizacije distrikta Brčko" realizovali su Ekonomski fakultet i GIZ, tj. Njemačko društvo za međunarodnu saradnju. (RTRS)



Opet šamar iz Beograda

Husein Mujanović je u Beogradu osuđen na 10 godina zatvora zbog ratnog zločina

Piše: **JELENA ALEKSIĆ, BEOGRAD**

Viši sud u Beogradu jučer je nepravomoćno osudio bivšeg pripadnika Armije RBiH Huseina Mujanovića na 10 godina zatvora za ratni zločin nad civilnim stanovništvom. Advokat je najavio žalbu, naglašavajući da sud nije uzео izjavu ni od jednog svjedoka kojeg je odbrana predložila.

Husein Mujanović je već dvije godine u pritvoru u Beogradu, a njegova supruga Mirsada jučer je novinarima okupljenim ispred zgrade beogradskog suda rekla da se radi o

presudi koja je unaprijed napisana. Predsjednik Fondacije Istina, pravda, pomirenje Sinan Alić kaže da je Mujanović kolateralna šteta nesposobne države BiH i bezobrazno uređenog pravosudnog sistema Srbije.

- Ova presuda je šamar BiH, koja, kada su u pitanju građani, i ne postoji. Postoje samo oligarhije koje štite sebe, kaže Alić.

Predsjedavajući Predsjedništva BiH Šefik Džaferović presudu je nazvao skandaloznom. / STR 8.



Husein Mujanović u pritvoru je još od jula 2018. godine

Huseinu Mujanoviću deset godina zatvora

Odbrana najavljuje žalbu Apelacionom sudu, tvrdeći da tužilac nije dokazao nijednu tačku optužnice

Husein Mujanović je juče pred Višim sudom u Beogradu osuđen prvostepenom presudom na deset godina zatvora za ratni zločin nad civilnim stanovništvom srpske nacionalnosti tokom rata u Sarajevu. Njegov advokat smatra da optužnica nije dokazana te najavljuje žalbu.

Selekcija svjedoka

Prethodno se Mujanović prilikom iznošenja završnih reči izjasnio da je nevin i zatražio od suda oslobađajuću presudu, smatrajući je jedinom pravednom. Pa ipak, Odjeljenje za ratne zločine Višeg suda u Beogradu i postupajući sudija drugačijeg su mišljenja. Mujanović je juče osuđen "za zlostavljanje srpskih civila u logoru u sarajevskom naselju Hrasnica tokom 1992. godine".


Prema izrečenoj presudi, Mujanović je kao upravnik vojničkog pritvora Armije RBiH protivzakonito zatvarao, nečovечно postupao i narušavao telesni integritet srpskih civila. Optužnica ga, između ostalog, tereti za premlaćivanje civila u logoru od kojih nekoliko njih kasnije umire, a posebno za nesprečavanje nehumanog ponašanja prema zatvorenicima, budući da je bio upravnik pomenutog logora.

Čitajući presudu, postupajući sudija Dejan Terzić će reći da je Sud posebno imao u vidu izjave svjedoka, bivših zatvorenika, posebno dvojice - Save Pejčića i Mirka Vukovića - koje je prema optužnici lično premlaćivao Mujanović.

Sa druge strane, Mujanovićev advokat će ispred Suda novinarima kazati da Sud nije uzeo izjave ni od jednog od 24 svjedoka koja je odbrana predložila niti su izjave svjedoka koje je Tužilaštvo priložilo dokazane.

"S obzirom na to da dokazi odbrane nisu uzeti u obzir, da smo predložili 24 svjedoka i da nijedan nije saslušan, da Sud nije uvažio izjave koje su svjedoci davali pred nekim drugim organima, a bile su drugačije nego što smo ovde čuli, jasno je da ne možemo biti zadovoljni presudom. Odluka će biti predmet žalbe. Sud smatra da je Tužilaštvo dokazalo optužnicu, a mi baš sve suprotno mislimo i vjerujem da

postoje razlozi zbog kojih ova presuda ne bi smela da prođe na Apelacionom sudu", kazao je Dušan Ignjatović govoreći o žalbi na koju odbrana ima pravo pred Apelacionim sudom u Beogradu.



Džaferović: Srbija je izvršila agresiju

Iako najpre neraspoložena za razgovor, supruga Huseina Mujanovića Mirsada će ponoviti: "Ništa sa strane odbrane što smo predlagali nije usvojeno, čak i taj njihov ključni svjedok je rekao da ga je tukao drugi čovjek. Ovo nije sud, ovo je fašistički sud".

Mujanovićev advokat će još podsetiti da "i dalje imamo čoveka koji je u pritvoru dve godine i taj pritvor se i dalje nastavlja, tako da situacija za odbranu u ovom trenutku nije dobra".

Inače, u presudu od deset godina zatvora računa se i vreme u pritvoru, u kojem se Mujanović nalazi od jula 2018. godine.

Apelacioni sud u Beogradu, hoću u to da vjerujem, ima profesionalce i visoke standarde i mislim da će Mujanović dobiti bitku, ističe Sinan Alić

Predsjednik Fondacije Istina, pravda, pomirenje Sinan Alić smatra da je Mujanović kolateralna šteta nesposobne države BiH i bezobrazno uredenog pravosudnog sistema Srbije.

Ilija Jurišić je bio osuđen na 12 godina pa ga je Apelacioni sud oslobodio, tu su bili Divjak (Jovan), Ganić (Ejup) i Hondo (Samir), koji je također oslobođen. Sad se u Beogradu vodi i proces protiv Osmara Osmanovića iz Brčkog. Gradani BiH, ponavljam to već 10 godina, moraju shvatiti da nemaju državu koja će ih zaštititi. Ne govorim o tome dali je neko počinio ratni zločin ili nije. Ako je počinio, onda je to adresa za Tužilaštvo BiH. Gordana Tadić i njeni prethodnici nisu jurili bilo koga od ove petorice koju sam nabrojao. Bio sam na jednom ročištu i oni su dovođili u sudnicu ljude da svjedoče koji nisu imali pojma o njemu, samo su nešto čuli i na osnovu takvih svjedočenja njemu Sud određuje deset godina, kaže Alić.

Munira Subašić, predsjednica Udruženja Majke enklava Srebrenica i Žepa, podsjeća na proces koji se vodi za Kravice, gdje se sudi sedam osoba.

Cirkus, a ne suđenje

Tamo je ubijeno 1.313 osoba, tamo je i moj sin. To više liči na cirkus nego na pravo suđenje. A vezano za Mujanovića, i sutra da bude Munira, pa to bi se presudilo za tri dana. Dobićete kaznu što veću, isto kao što su radili i 90-ih godina, kada su ova dolazili da ubijaju našu djecu. Teško njemu kada je pao u njihove ruke, kaže Subašić.

Predsjedavajući Predsjedništva BiH Šefik Džaferović kaže kako je "za svaku osudu da srbijansko pravosuđe uopće vodi krivične postupke za navodne ratne zločine protiv pripadnika Armije RBiH".

Pravosuđe Republike Srbije koja je izvršila agresiju na BiH, što su činjenice koje je utvrdio Međunarodni sud pravde, kao i Haški tribunal u nekoliko svojih odluka, procesuirao one koji su branili BiH u situaciji kada postoji Sud BiH nadležan za takve slučajeve, kazao je Džaferović za Fenu.

**JELENA ALEKSIĆ i
ZINAIDA DELILOVIĆ**



Prevara pri glasanju

Tužilaštvo BiH podiglo je optužnicu protiv Biljane Petrović (49), koja se tereti da je za vrijeme održavanja općih izbora 2018, u svojstvu predsjednika biračkog odbora na biračkom mjestu Popovo Polje-Brčko, glasala umjesto drugih osoba pod njihovim imenima. U optužnici se navodi da je optužena, protiv volje i znanja najmanje šest osoba koje nisu iskoristile biračko pravo, krivotvorila njihove potpise na biračkom spisku pod rednim brojevima gdje su zavedene, potpisala se umjesto njih njihovim imenima i glasala, saopćeno je iz Tužilaštva BiH.



Optužen carinik Kikić

Sud BiH potvrdilo je optužnicu Raji Kikiću, koja optuženog tereti da je počinio krivično djelo primanje dara i drugih oblika koristi. U optužnici se navodi da je optuženi Kikić 16. marta ove godine, u svojstvu policajca Granične policije BiH, na međunarodnom graničnom prelazu **Brčko** osobama koje su dolazile iz područja s intenzivnom transmisijom koronavirusa (Republika Austrija) dozvolio, bez zdravstvenog pregleda i rješenja o izolaciji, nezakonit ulazak u BiH, nakon što je zahtijevao i primio novčanicu od 20 eura, saopćeno je iz Suda BiH.



Mirko Pejanović: Pretpostavke ubrzanja integracije BiH u Evropsku uniju (1)

Socijalni konsenzus o članstvu EU

Većina građana (75 posto) u proteklim decenijama podržava integraciju Bosne i Hercegovine u Evropsku uniju

Bosna i Hercegovina je nakon Dejtonskog mirovnog sporazuma 1995. godine ušla u društveno-istorijski proces izgradnje mira. Izgradnja mira odvija se posredstvom djelovanja demokratskih snaga u Bosni i Hercegovini i institucija međunarodne zajednice i Evropske unije, a sve po osnovu ovlaštenja Dejtonskog mirovnog sporazuma. U istorijskom kontekstu izgradnje mira u Bosni i Hercegovini u postratnom i postdejtonskom vremenu integracija Bosne i Hercegovine u članstvo Evropske unije predstavlja strateški istorijski projekt u prvim deceni-

izbora 2018. i kašnjenja u formiranju vlasti tokom 2019. izgubila dvije godine za izvođenje reformi u procesu integracije u Evropsku uniju. Postavlja se pitanje je li moguće ubrzati integraciju Bosne i Hercegovine u Evropsku uniju od 2020. godine pa nadalje. Ubrzanje integracije Bosne i Hercegovine u Evropsku uniju javlja se kao uslov svih uslova za stabilan i ekonomski prosperitetan razvoj države Bosne i Hercegovine. Postoji nekoliko opasnosti koje mogu dovesti do još većeg zaostajanja u izvođenju integracije države Bosne i Hercegovine u Evropsku


zatim pretpostavkama koje mogu osigurati institucije Evropske unije i najzad pretpostavkama koje proističu iz uloge međunarodne zajednice preko Vijeća za implementaciju mira na temelju ovlaštenja za provođenje Dejtonskog mirovnog sporazuma. Kad je u pitanju prva pretpostavka, ima se u vidu spoznaja da većina građana u proteklim decenijama podržava integraciju Bosne i Hercegovine u Evropsku uniju (75% građana). To je prepoznatljiv bazični socijalni konsenzus, koji bi se u Parlamentarnoj skupštini Bosne i Hercegovine mogao oblikovati kao široka koalicija stranaka za evropsku, demokratsku državu Bosnu i Hercegovinu. U širokoj koaliciji bi učestvovala sve stranke koje u Parlamentu Bosne i Hercegovine imaju 5% i više zastupničkih mjesta.

Politički pritisak

Druga pretpostavka se odnosi na ulogu institucija Evropske unije za provođenje Dejtonskog mirovnog sporazuma. Ta uloga se ogleda u djelovanju specijalnog predstavnika Evropske unije u Bosni i Hercegovini, koji može uticati da parlamentarna i izvršna tijela Bosne i Hercegovine imaju godišnje agende reformi koje vode ka članstvu Bosne i Hercegovine u Evropskoj uniji. Treća pretpostavka podrazumijeva da Vijeće za implementaciju mira, kome izvještaj za svoj rad podnosi visoki predstavnik međunarodne zajednice (OHR), uvede novu strategiju svoga rada kako bi se mjerama političkog pritiska i sankcijama uticalo na vladajuće političke elite da sa punom odgovornošću i ubrzano izvode reforme sa ciljem integracije Bosne i Hercegovine u Evropsku uniju.

Ključne riječi: Dejtonski mirovni sporazum, Evropska unija, Bosna i Hercegovina, Sporazum o stabilizaciji i pridruživanju, Parlamentarna skupština Bosne i Hercegovine, Vijeće za implementaciju mira, specijalni predstavnik Evropske unije u Bosni i Hercegovini, bonske ovlasti, konsenzus.

(Sutra: Sastanak sa Sattlerom)



Opasno sukobljavanje vladajućih stranaka u Parlamentu BiH

jama XXI stoljeća. Proces integracije Bosne i Hercegovine u Evropsku uniju je 2008. godine, u obliku ugovornog odnosa, započeo potpisivanjem Sporazuma o stabilizaciji i pridruživanju između Bosne i Hercegovine i Komisije Evropske unije. Zastoj u realizaciji tog sporazuma trajao je sve do 2015. godine, kada je njemačko-britanskom inicijativom pokrenut novi tok integracije Bosne i Hercegovine u Evropsku uniju. Tokom 2018. Evropska komisija je prihvatila odgovore države Bosne i Hercegovine na Upitnik koji popunjavaju sve zemlje koje se nalaze u fazi dobijanja statusa kandidata za članstvo u Evropskoj uniji.

Izgubljene godine

Uz prihvatanje odgovora na Upitnik, Evropska komisija je ustanovila mišljenje sa 14 prioriteta, u više oblasti društvenog razvoja, koje država Bosna i Hercegovina mora realizovati putem reformi. Bosna i Hercegovina je, zbog parlamentarnih

uniju. Ove opasnosti se najviše odnose na masovnu migraciju radno sposobnog stanovništva iz Bosne i Hercegovine u razvijene evropske države i na permanentno sukobljavanje vladajućih pobjedničkih stranaka u Parlamentarnoj skupštini Bosne i Hercegovine. Uz sve to, u Evropi i svijetu se mijenjaju geopolitički odnosi i uticaji, posebno nakon migrantske krize od 2015. godine, te jačanja uticaja Kine i Rusije na razvoj međunarodnih odnosa.

U okviru izabrane teme, elaborirat će se moguće društveno-istorijske i geopolitičke pretpostavke za ubrzanje integracije Bosne i Hercegovine u Evropsku uniju. Radi se o pretpostavkama koje se javljaju unutar same Bosne i Hercegovine,

Oslobođenje će u narednih nekoliko brojeva feljtonizirati autorske studije akademika Mirka Pejanovića, redovnog člana ANUBiH, i dr. sc. Hode Dedić pripremljene za VIII međunarodni naučni skup o evropskim i evroatlantskim integracijama, održan 26. juna ove godine u Brčkom u organizaciji Evropskog univerziteta Brčko distrikta BiH.



Oznaka zemljopisnog podrijetla kao putokaz za bolje brendiranje BiH obiluje proizvodima za osvajanje tržišta Europske unije



3

Za sada su livanjski sir,
nevesinjski krumpir i
visočka pečenica prvi
zaštićeni proizvodi

2

Dvije su ključne
prednosti zemljopisne
oznake - pozicija na
tržištu i cijena

Dario Pušić

Brendiranje proizvoda, nove marketinške tehnike i promocija preko novih medija, isticanje posebnosti zemljopisnog podrijetla, samo su neke od stavki marketinške kampanje koje bi trebalo primjenjivati na brojne bosansko-hercegovačke proizvode koji su možda kvalitetom visoko iznad nekih drugih, ali kojima manjka dobro upakirana priča.

Niz prednosti

Zasad su livanjski sir, nevesinjski krumpir i visočka pečenica prvi bh. proizvodi zaštićeni u skladu s pravilnikom o sustavima kvalitete za prehrambene proizvode. No, očito je da oznaka zemljopisnog podrijetla još uvijek nije dovoljno prepoznata, a da je

tomu tako, svjedoči i općepoznata činjenica kako BiH raspolaže brojnim autohtonim proizvodima koji bi, zaštitom zemljopisnog podrijetla, mogli ostvariti bolju prepoznatljivost na policama trgovina EU-a. Predsjednik Vanjskotrgovinske komore BiH Vjekoslav Vuković naglasio je da zaštita proizvoda zemljopisnom oznakom ili imenom podrijetla donosi brojne prednosti za proizvođače, potrošače, ali i zemljopisno područje s kojeg potiče proizvod sa zaštićenom oznakom. Dodao je kako je činjenica da BiH ima toliko proizvoda koje bi mogla brendirati, a koji bi, osim veće zarade proizvođačima, doprinijeli i samoj promociji BiH.

Iz VTK-a objašnjavaju kako u BiH postoje potrebni propisi i ureden pravni sustav iz područja zaštite proizvoda prehrambene

industrije koji je uskladen s propisima Europske unije. Uz to, postoji veliki potencijal originalnih i autohtonih proizvoda koji je potrebno valorizirati i iskoristiti u predstojećem vremenu, u razdoblju približavanja EU, a koji je povoljan za njihovu zaštitu. Procedura je sljedeća: zahtjev za registraciju, odnosno zaštitu proizvoda/industrijske svojine može podnijeti skupina proizvođača ili prerađivača određenog proizvoda, bez obzira na to koji pravni status ta skupina (organizacija) ima. Pojedini proizvođač ili prerađivač, bilo da se radi o fizičkoj ili pravnoj osobi, također može podnijeti zahtjev za registraciju oznake originalnosti ili oznake zemljopisnog podrijetla u posebnim slučajevima. "Postupak za registraciju oznake originalnosti, oznake zemljopisnog podrijetla

i oznake tradicionalnog ugleda prehrambenog proizvoda pokreće se zahtjevom koji se podnosi Agenciji za sigurnost hrane BiH. Postupak registracije oznaka provodi Povjerenstvo za registraciju oznaka koje osniva Vijeća ministara BiH, na prijedlog Agencije, u suradnji s nadležnim tijelima entiteta i Distrikta Brčko BiH", navodi se u smjernicama Agencije za sigurnost hrane BiH.

Prepoznatljivost

Zaštita proizvoda daje mogućnost da taj proizvod dobije višu cijenu i bolju poziciju na tržištu, stvaranje prepoznatljivosti proizvoda, a, također, i potrošači bivaju zaštićeni od prijevara i zablude o podrijetlu proizvoda. Možda budućnost donosi i neke nove dobre vijesti za domaće proizvođače.